

G J A L D S K R Á

fyrir Rafveitu Akraness.

I. KAFLI RAFORKUSALA

Rafveita Akraness selur raforku á þann hátt og við því verði, sem hér segir:

I. Almenn notkun.

1. Um kwst.mæli á 100 aura hverja kwst., auk fastagjalds, er reiknast þannig:
 - A 1. **Til lýsingar:**
140 aura á mánuði af hverjum m² gólfplatar í rúmi því, er lýsa skal. Þó skal aðeins reikna helming gólfplatar til gjalda í geymslum og göngum og þess háttar.
 - B 1. **Til heimilisnotkunar:**
10 krónur á mánuði fyrir hvert herbergi, sem ætlað er til íbúðar, og eldhús. Herbergi, sem er minna en 5 m² skal reikna sem hálf, en stærra en 25 m² sem tvö.
 - C 1. **Til véla:**
24 krónur á mánuði fyrir hvert kw. í ástimpluðu rafafli fastra vinnuvéla.
2. Um kwst.mæli, án fastagjalds, þannig:
 - A 2. **Til lýsingar og ýmissa nota, sem ekki verða felld undir aðra liði gjaldskrárinnar:**
410 aurar fyrir hverja kwst.
 - B 2. **Til véla og til vinnulagna í byggingum í smíðum:**
230 aurar fyrir hverja kwst.
 - C 2. **Til véla í matvælaíðnaði:**
68 aurar fyrir hverja kwst., enda sé uppsett rafafli fastra véla yfir 40 kw. og árlegur nýtingartími vélanna eigi skemmri en 1200 kwst. á hvert uppsett kw. þeirra. — Rafveitan áskilur sér rétt til að rjúfa strauminn í allt að 1½ klst. um hádegið, á tíma mesta álags. — Eftir þessum gjaldskrárlið má einnig selja raforku til rafsðu málma.
 - D 2. **Til götu- og hafnarlýsingar:**
Samkvæmt árlegri ákvörðun bæjarstjórnar Akraness, og kosti rafveitan rekstur og viðhald lýsingarkerfisins.
3. Um mesta álagsmæli:
 - A 3. **Til atvinnufyrirtækja með uppsettu rafvélaafli yfir 40 kw.:**
1455 krónur fyrir hvert kw. mesta álags á árinu og 18 aurar fyrir hverja kwst.

II. Hitanotkun:

Um kwst.mæli á:

- E 1.63 aura kwst. án rofs.
- E 2.34 aura kwst. með allt að 1½ klst.rofi á sólarhring.
- E 3.31,5 aura kwst. með allt að 2½ klst.rofi á sólarhring.
- E 4.25 aura kwst. með allt að 4½ klst.rofi á sólarhring.
- E 5.18 aura kwst. með allt að 14½ klst.rofi á sólarhring.

Gjaldið breytist með útsöluverði á dísilolíu í Reykjavík á hverjum tíma, en miðast hér við grunnverðið 163 auro á olíulítra. Gjaldið standi jafnan á heilum eða hálfum eyri.

Önnur skilyrði fyrir raforkusölu til hitunar:

- a. Að raforka sé aflögu vegna almennrar notkunar (forgangsnotkunar) að dómi rafveitustjóra.
- b. Að vélaafl, spennar og línur þoli álagið að dómi rafveitustjóra.
- c. Að straumur sé rofinn á tilskildum tíma með sjálfvirkum rofa, og kosti notandinn tengingu rofans og greiði leigu af honum skv. 2. kafla.
- d. Að tæki, lagnir og allur búnaður í sambandi við rafmagnshitunina sé samkvæmt fyrirmælum rafveitunnar og settum reglum, m. a. ofnar fasttengdir með sérstökum rofum og hitastillar notaðir.
- e. Að notkun um mæli hitalagnarinnar sé eigi minni en 6000 kwst. á ári.

Þegar sérstaklega stendur á, er rafmagnsstjóra heimilt, að tilskildu samþykki rafveitunefndar, að selja raforku eftir sérstökum samningi í hvert skipti.

II. KAFLI

MÆLA- OG ROFALEIGA

Rafveitustjóri ákveður stærð og gerð mælitækja, sem nota skal fyrir hverri veitu, og er sú ákvörðun skuldbindandi fyrir notandann, sem skal greiða leigu af mælitækjum samkvæmt eftirfarandi:

- | | | | |
|--|-----|-------|-----------|
| 1. Af einfasa kwst.mælum, allt að 30 amp. | kr. | 5.00 | á mánuði. |
| 2. Af þrífasa kwst.mælum, 50 amp. og minni | — | 10.00 | — — |
| 3. Af þrífasa kwst.mælum, yfir 50 amp. til 200 amp. | — | 24.00 | — — |
| 4. Af þrífasa kwst.mælum, yfir 200 amp. | — | 36.00 | — — |

Af klukkurofum skal notandinn greiða leigu sem hér segir:

- | | | | |
|--|-----|-------|-----------|
| 1. Af ein- eða tvíþóla klukkurofa 40 amp. og minni | kr. | 32.00 | á mánuði. |
| 2. Af þríþóla klukkurofa 60 amp. og minni | — | 40.00 | — — |
| 3. Af þríþóla klukkurofa 60 amp. til 200 amp. | — | 50.00 | — — |
| 4. Af þríþóla klukkurofa yfir 200 amp. | — | 64.00 | — — |
| 5. Af fjarstýrandi klukkurofa | — | 10.00 | — — |

Af öðrum mælitækjum og rofum en þeim, sem nefnd eru í skránni, skal ársleigan vera sem næst 20% af verði tækisins. Leigan skal innheimt um leið og gjald fyrir raforkuna.

IV. KAFLI

OPNUNARGJÖLD

1. Hafi gjald samkvæmt gjaldskrá þessari ekki verið greitt, svo að til lokunar hafi komið fyrir veitu, skal taka gjald fyrir enduropnun krónur 80.00.
2. Ef fundin eru óleyfileg eða of stór vör við skoðun, skal veitunni lokað tafarlaust, og verður hún eigi opnuð fyrr en notandinn hefur greitt 80 króna gjald til skrifstofu rafveitunnar.

Bæjarstjórn er heimilt að hækka eða lækka gjöld, sem ákveðin eru í 1. kafla þessarar gjaldskrár, um allt að 20% án sérstakrar staðfestingar ráðuneytisins, enda sé breytingin auglýst í Lögbirtingablaðinu, áður en til hennar kemur.

Um heimtaugargjald fer samkvæmt auglýsingu nr. 26 12. febrúar 1965.

Gjaldskrá þessi staðfestist hér með samkvæmt vatnalögum nr. 15 20. júní 1923 og raforkulögum nr. 12 2. apríl 1946, til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Jafnframt er úr gildi felld gjaldskrá fyrir Rafveitu Akraness nr. 119 15 júní 1960, en auglýsing nr. 26 12. febrúar 1965 heldur gildi.

Atvinnumálaráðuneytið, 19. febrúar 1966.

Ingólfur Jónsson.

Þorv. K. Þorsteinsson.

23. febrúar 1966.

Nr. 45.

S A M Þ Y K K T

fyrir Vatnsveitufélag Hrafnkelsstaðahverfis.

1. gr.

Félagið heitir Vatnsveitufélagið Þorsti. Heimili þess og varnarþing er Hrafnkelsstöðum IV, Hrunamannahreppi.

2. gr.

Tilgangur félagsins er að sjá býlum á félagssvæðinu fyrir vatni.

3. gr.

Stofnendur félagsins eru ábúendur býlanna: Hrafnkelsstaðir I, Hrafnkelsstaðir II, Hrafnkelsstaðir III og Hrafnkelsstaðir IV.

Hver stofnandi greiðir fimm þúsund krónur sem stofngjald og telst hann ekki fullgildur félagsmaður, fyrr en það stofngjald er greitt. Allt vatn í fjós, þvottahús og önnur þau hús, er heyra búrekstri jarðarinnar til, telst undir sama stofngjald og íbúðarhús.

Félagsskylda samkv. 1. mgr. þessarar greinar er því skilyrði háð. að ábúenda séu látin í té afnot af vatni því, sem félagið hefur til umráða.

4. gr.

Ábúendur væntanlegra nýrra býla á félagssvæðinu má taka í félagið með samþykki lögmæts aðalfundar.

Nýr félagsmaður greiðir sama stofngjald og eldri félagar og öll gjöld, sem á félaginu hvíla, til jafns við aðra félagsmenn frá því, er hann gekk í félagið. Sjálfur skal hann kosta allar framkvæmdir, sem gera verður sérstaklega hans vegna, til þess að hann geti notað mannvirki félagsins.

5. gr.

Stofnkostnaði að upphaflegri aðalleiðslu vatnsveitunnar greiðist í eftirtöldum hlutum fyrir býli á félagssvæðinu: Hvert býli skal greiða að jöfnu $\frac{1}{4}$ hluta. Skal hann greiddur af stofngjöldum félagsmanna, þar sem þau hrökkva til og styrk, sem veittur kynni að verða til vatnsveitunnar.

Vatnsskatt skal innheimta árlega af hverju býli á félagssvæðinu, sem vatnsnýtur úr vatnsveitunni. Skal félagsstjórn tiltaka upphæð hans þannig fyrir hvert reikningsár, að nægi til greiðslu vaxta og afborgana stofnkostnaðar aðalleiðslu vatnsveitunnar og til viðhalds.